




## A LINGUA DI I MEI



Auteur : Dédé Nobili

**A<sup>-</sup>** (La mineur)

### Secondes DR seules

In core di i mei ci dorme l'allegria  
Puru quandu a vita inciampa i so passi  
Ci dorme tant'amore è tanta puesia,  
Ancu s'elli sò zitti o s'elli stanu bassi

### Secondes et Basses

In bocca di i mei ci stanu mille fole  
Da cuntammi li tempi di tutte le sumiglie  
Chì tessenu a leia nant'à un filu d'amore  
Mentre a vita corre è strappa ogni briglia

### Secondes et Tierces

In manu di i mei hè scritta a spartera  
In lettare sulcate da e cugliere andate  
Hè dettu lu travagliu è po la straziera  
Per fà cresce più belle e so nove biate

Tous

**In l'ochji di i mei ci vecu tante frante**  
**Tant'amori pertuti à l'eterne credenze**  
**Una manera d'esse, una fede tamanta**  
**Tuttu ciò ch'hè amore è chì pare violenza**

Tous

**In casa di i mei ci canta una lingua,**  
**Vechja quant'è a terra induve elli sò nati**  
**È vulia d'amore scrive 'sse duie rime**  
**Dilli quant'e sò fieru d'avelli à lu mio latu**

**È vulia d'amore scrive 'sse duie rime**  
**Dilli quant'e sò fieru **d'avelli** à lu mio latu**